

Univerzitet u Sarajevu



University of Sarajevo



Studijski program:
Nutricionizam

Centar za interdisciplinarne studije

Studijski program: Nutricionizam

IZDAVAČ:

Univerzitet u Sarajevu – Centar za interdisciplinarne studije, Zmaja od Bosne 8, Sarajevo

UREDNICI:

Centar za interdisciplinarne studije UNSA

Sarajevo, juni 2019. godine

Sadržaj

1. OPĆI DIO	5
1.1. Naziv programa	5
1.2. Tip programa	5
1.3. Nivo programa	5
1.4. Cilj studijskog programa	5
1.5. Nosilac programa	5
1.6. Naučna/umjetnička polja kojima pripada predloženi studijski program	5
1.7. Organizacija i trajanje studijskog programa	5
1.8. Minimalan broj ECTS bodova potrebnih za završetak studija	5
1.9. Jezik na kojem se izvodi studijski program	5
1.10. Seleksijski postupci za upis na studijski program	5
1.11. Kvalifikacije koje se stiču po okončanju programa	6
1.12. Analiza mogućnosti zapošljavanja studenata po završetku studijskog programa	6
1.13. Prohodnost studija	7
1.14. Skala bodovanja i ocjenjivanja	7
1.15. Osiguranje kvaliteta	7
2. OPIS PROGRAMA	7
2.1. Ishodi učenja na nivou studijskog programa	7
2.2. Popis obaveznih i izbornih predmeta	7
2.3. Struktura studija i uslovi upisa u sljedeći semestar	8
2.4. Popis ili uslovi izbora predmeta koje student može izabrati s drugih studijskih programa	8
2.5. Informacije o načinu završetka studija	8

Univerzitet u Sarajevu
University of Sarajevo



Studijski program:
Nutricionizam

Centar za interdisciplinarne studije

1. OPĆI DIO

1.1. Naziv programa

Nutricionizam

1.2. Tip programa

Specijalistički akademski studij

1.3. Nivo programa

Specijalistički studij

1.4. Cilj studijskog programa

Cilj studija je edukacija stručnjaka sa najmanje završenim drugim ciklusom univerzitetskog obrazovanja, integriranim akademskim studijem ili diplomskim studijem po predbolonjskom sistemu studiranja, a koji se u utvrđenom postupku ekvivalencije izjednačava sa drugim ciklusom univerzitetskog obrazovanja, odnosno integriranim akademskim studijem iz biotehničkih i prirodnih, medicinskih i društvenih oblasti (Prehrambena tehnologija, Medicina, Farmacija, Zdravstvene studije, Biohemija, Biologija, Sport, Turizam), a iz oblasti nutricionizma radi sve češće pojave bolesti povezanih sa ishranom i povećanom svijesti o značaju ishrane.

1.5. Nosilac programa

Nosilac studija je Univerzitet u Sarajevu koji povjerava organizaciju Centru za interdisciplinarnе studije, a izvođenje studija nastavnicima i saradnicima sa nekoliko fakulteta Univerziteta u Sarajevu.

1.6. Naučna/umjetnička polja kojima pripada predloženi studijski program

Specijalistički studijski program „Nutricionizam“ je interdisciplinarni studijski program koji obuhvata naučno polje biotehničkih i prirodnih nauka, medicinskih i društvenih nauka te su stoga i nosioci predmeta sa fakulteta Univerziteta u Sarajevu obuhvaćenih ovim naučnim poljima.

Uz nosioce predmeta u nastavnom procesu sudjeluju i drugi predavači sa Univerziteta u Sarajevu i gostujući profesori sa univerziteta iz regiona i šire.

1.7. Organizacija i trajanje studijskog programa

Specijalistički studijski program izvodi se u trajanju od jedne godine (dva semestra) sa ukupno 60 ECTS bodova.

Studenti moraju završiti studij u roku od dvije godine. Prema kandidatu koji ne završi studij u datom roku postupa se u skladu sa Zakonom navedenim smjernicama.

Nastava se organizuje u obliku predavanja, teoretskih, praktičnih i laboratorijskih vježbi, seminarskih radova, seminara, konsultacija i traje dvasemestra.

U okviru nastave se izvode i radionice (workshop) koje traju do dva dana, obaveznesu, ali bez ECTS bodova. Radionice su u okviru jednog modula, a izvode ih najmanje dva predavača po radionici uz saradnju sa partnerima izvan školskog sistema. Ovo predstavlja novitet na Univerzitetu u Sarajevu, pojačava interdisciplinarnost, atraktivnost i aktuelnost studija.

1.8. Minimalan broj ECTS bodova potrebnih za završetak studija

U skladu sa evropskim sistemom prenosa bodova ECTS, obim studijskog programa iznosi 60 ECTS bodova u jednoj studijskoj godini, odnosno 30 ECTS bodova u jednom semestru. Broj studijskih bodova za pojedini predmet određuje se prema ukupnom opterećenju studenta (teorijska i/ili praktična nastava, vježbe, seminari i sl.), vremenu rada studenta na samostalnim zadacima (domaći zadaci, projekti, seminarski radovi, ...) i vremenu za učenje prilikom pripreme za provjeru znanja i ocjenjivanje (testovi, završni ispit).

Završni specijalistički rad se vrednuje sa 15 ECTS bodova.

1.9. Jezik na kojem se izvodi studijski program

Nastava se izvodi na bosanskom/hrvatskom/srpskom jeziku.

1.10. Selekcijski postupci za upis na studijski program

Status studenta stiče se upisom na studijski program kojeg realizira Centar za interdisciplinarnе studije Univerziteta u Sarajevu. Upis se vrši na osnovu javnog konkursa koji objavljuje Univerzitet, o čemu odluku donosi Senat Univerziteta.

Prijemni upis u prvu studijsku godinu vrši se u skladu sa zakonom, statutom, ovim pravilima i na osnovu konačnih rezultata javnog konkursa.

Obavijest o konkursu za upis studenata u prvu studijsku godinu objavljuje Univerzitet u Sarajevu najmanje tri dnevna lista na području Bosne i Hercegovine.

Konkurs za upis studenata u prvu studijsku godinu objavljuje se na web-stranici i oglasnoj ploči Univerziteta u Sarajevu i Centra za interdisciplinarnu studiju uz prethodnu saglasnost Ministarstva.

Pravo upisa na specijalistički studij imaju kandidati (sa bh državljanstvom i iz inostranstva) pod istim uvjetima, a koji imaju:

- završen drugi ciklus univerzitetskog obrazovanja,
- završen najmanje četverogodišnji studij po predbolonjskom sistemu studiranja, a koji se u utvrđenom postupku ekvivalencije izjednačava sa drugim ciklusom univerzitetskog obrazovanja,
- završen integrisani studij u trajanju od pet i/ili šest godina,
- završeni fakulteti iz oblasti biotehničkih i prirodnih nauka, medicinskih i društvenih nauka sa usmjerenjem: Prehrambena tehnologija, Biohemija, Biologija, Medicina, Farmacija, Zdravstvene studije, Sport, Turizam.

Utvrđivanje jedinstvene rang-liste svih prijavljenih kandidata vršit će se na osnovu završenog studija II ciklusa, četverogodišnjeg studija po predbolonjskom sistemu studiranja, integrisanog studija, prosječne ocjene koju su kandidati ostvarili u toku studija.

Preliminarnu rang-listu svih primljenih i prijavljenih kandidata Centar za interdisciplinarnu studiju Univerziteta u Sarajevu će objaviti na web-stranici i oglasnoj ploči nakon što je verificira nadležno tijelo najkasnije dva dana od posljednjeg dana polaganja prijemnog ispita, odnosno najkasnije dva dana nakon isteka roka za podnošenje prijave na konkurs.

Na rang-listu primljenih kandidata, kandidati imaju pravo prigovora u roku od tri dana od dana objave navedene liste.

Na prigovor, nadležno tijelo Centra za interdisciplinarnu studiju Univerziteta u Sarajevu obavezno je donijeti odluku u roku od tri dana. Odluka vijeća centra je konačna (Pravila studiranja za I, II ciklus studija, integrirani, stručni i specijalistički studij na Univerzitetu u Sarajevu, član 7).

Komisija za upis konačni izvještaj o rezultatima upisa studenata dostavlja nastavno-naučnom vijeću studija koje usvaja konačnu rang-listu.

1.11. Kvalifikacije koje se stiču po okončanju programa

Student nakon položenih svih ispita predviđenih Nastavnim planom i programom i odbranom Završnog specijalističkog rada, ostvarivanjem ukupnog, predviđenog broja ECTS-a, po završetku studija, stiče akademski naziv specijalista nutricionizma sa skraćenicom spec.nutr. nakon imena i prezimena.

1.12. Analiza mogućnosti zapošljavanja studenata po završetku studijskog programa

Specijalisti nutricionizma su osposobljeni za različite poslovne mogućnosti u:

- jedinicama državne/entitetske administracije koja kreira javne politike u oblasti obrazovanja, ekonomije, zaštite potrošača, zdravlja, sporta i kulture,
- savjetovaništima za hranu i ishranu,
- udruženjima za zaštitu potrošača, ishranu, zdravlje i sport,
- prehrambenoj i farmaceutskoj industriji,
- institutima i zavodima koji su orijentisani prema zdravlju i ishrani ljudi,
- ustanovama gdje je zastupljena kolektivna ishrana: predškolske i školske ustanove, studentski domovi, vojne kasarne, domovi za osobe treće životne dobi,
- hoteli, banje/lječilišta,
- fitnes i spa centri.

1.13. Prohodnost studija

Prema članu 1. stav (6) Pravila studiranja za I, II ciklus studija, integrirani, stručni i specijalistički studij na Univerzitetu u Sarajevu, specijalistički studij kojim se osigurava prohodnost na treći ciklus studija nakon završenog drugog ciklusa studija, integriranog studija ili diplomskog studija po predbolonjskom sistemu studiranja, traje jednu studijsku godinu a vrednuje se sa 60 ECTS.

1.14. Skala bodovanja i ocjenjivanja

U svakom pojedinačnom syllabusu predmeta je navedena skala bodovanja i ocjenjivanja u skladu sa ciljem i ishodima tog predmeta.

1.15. Osiguranje kvaliteta

Kvalitet i uspješnost studija će biti praćena internim i eksternim posmatranjem i ocjenjivanjem od strane zvanične komisije i studenata

2. OPIS PROGRAMA

2.1. Ishodi učenja na nivou studijskog programa

Ishodi učenja na nivou studijskoga programa definirani su u skladu sa zahtjevima strukovnih udruženja i tržišta rada, nastavkom školovanja, općim društvenim potrebama i standardima kvalifikacijskog okvira.

Studenti će nakon završenog specijalističkog studija poznavati metode procjene nutritivnog statusa, energetske i nutritivne potrebe zdrave i populacije sa bolestima uzrokovanim nepravilnom ishranom, odrediti prevenciju, intervenciju, znati izabrati specifične aktivnosti i biti osposobljeni za rad na poslovima vezanim za procjenu kvaliteta ishrane i savjetovanje usmjereno na poboljšanje ishrane s ciljem održavanja zdravlja i sprječavanja, odnosno liječenja bolesti.

2.2. Popis obaveznih i izbornih predmeta

U tabeli 1. je prikazan popis predmeta sa ECTS opterećenjem i fondom sati.

Tabela 1. Nastavni plan specijalističkog studija „Nutricionizam“

Godina/ semestar	Naziv predmeta	ECTS	Sati P+V
1/I			
1.	Fiziologija ishrane	5	30
2.	Hemija i biohemija hrane	6	30
3.	Nutritivni aspekti prehrambenih proizvoda	6	30
4.	Ishrana tokom životnog ciklusa	5	30
5.	Izborni predmet 1	4	20
6.	Izborni predmet 2	4	20
<i>Ukupno</i>		<i>30</i>	<i>160</i>
1/II			
7.	Epidemiološki principi u sigurnosti hrane	5	30
8.	Nutrigenetika	4	30
9.	Izborni predmet 3	4	20
10.	Interdisciplinarnе radionice (2 radionice)	2	20
<i>Ukupno</i>		<i>15</i>	<i>100</i>
	Završni specijalistički rad	15	

<i>Ukupno</i>			
<i>Ukupno Kontakt sati</i>		60	260
	Izborni predmeti		
1.	Psihologija ishrane	4	20
2..	Biotehnološka i nova hrana	4	20
3.	Metodologija naučno-istraživačkog rada	4	20
4.	Tradicionalni načini ishrane	4	20
5.	Dijetalna ishrana	4	20
6.	Ishrana djece predškolskog i školskog uzrasta	4	20
7.	Ishrana sportista	4	20
8.	Gojaznost	4	20
9.	Funkcionalna hrana	4	20
10.	Pakovanje hrane	4	20
	Interdisciplinarnе radionice		
1.	Vještine komunikacije	1	10
2.	Fenomen vinske kulture i obrasci ishrane	1	10
3.	Politike hrane urbanih sredina	1	10
4.	Uticaj marketinga na ishranu djece i omladine	1	10

2.3. Struktura studija i uslovi upisa u sljedeći semestar

U primjeni Evropskog sistema prijenosa bodova (ECTS) u prijedlogu specijalističkog studija „Nutricionizam“, polazi se od dogovora, prihvaćenog u čitavom evropskom prostoru visokog obrazovanja, da rad potreban za savladavanje jedne akademske godine studija iznosi 60 ECTS bodova. Iz organizirane nastave student stiže 45 ECTS bodova, a radom na završnom radu 15 ECTS bodova.

Specijalistički studij se sastoji od sedam obaveznih predmeta (od toga jedan obavezni predmet predstavlja interdisciplinarnе radionice prilikom čega studenti biraju dvije od ponuđene četiri), tri izborna predmeta i odbrane završnog specijalističkog rada.

Prvi semestar uključuje četiri obavezna i dva izborna predmeta sa ukupno 30 ECTS.

Drugi semestar uključuje tri obavezna (jedan obavezni predmet predstavlja interdisciplinarnе radionice) sa ukupno 15 ECTS i završni specijalistički rad sa 15 ECTS.

2.4. Popis ili uslovi izbora predmeta koje student može izabrati s drugih studijskih programa

Student može izabrati predmet- obavezni ili izborni predmet (u curriculumu su predviđeni obavezni predmeti sa po 5 ili 6 ECTS i sa po 30 sati, predmet Interdisciplinarnе radionice sa 2 ECTS i 10 sati i izborni predmeti sa po 4 ECTS i sa po 20 sati) sa drugog studijskog programa ukoliko su ciljevi i ishodi tog predmeta u skladu sa ciljem i ishodima ovog studijskog programa, dostavljanjem molbe Vijeću studija uz popratnu dokumentaciju, odnosno syllabus predmeta koji želi izabrati/slušati.

2.5. Informacije o načinu završetka studija

Specijalistički studij se završava polaganjem svih ispita i izradom završnog rada.

Mentora za izradu završnog specijalističkog rada bira kandidat na osnovu interesovanja i oblasti predavača. Tema rada mora biti usko vezana za područje nutricionizma. Moguće teme završnih radova predlažu predmetni nastavnici. Također, studentu se može odobriti tema završnog rada koju samostalno predloži, uz prethodnu konsultaciju sa nastavnikom kod kojeg želi uraditi završni rad.

Mentor može biti i nastavnik koji nije predavao na specijalističkom studiju, ali je tema vezana za studij. Predloženi nastavnik treba imati adekvatna znanja i kompetencije da bude mentor.

Mentora odobrava Nastavno-naučnoVijeće studija.

Prijava teme se podnosi na propisanom obrascu. Nakon prihvatanja teme na Vijeću studija, Vijeće imenuje Komisiju za ocjenu i odbranu rada. Članovi Komisije mogu biti predavači u zvanju od docenta do redovnog profesora. Komisijama, po pravilu, predsjednika i dva člana, odnosno njihove zamjenike. Jedan od članova komisije je i mentor.

Student može jedanput promijeniti temu završnog rada i to najkasnije u roku od 30 dana od dana odobravanja prve teme.

Završni rad i odbrana su javni.

Na druga pitanja u vezi sa organizacijom nastave i studija—prava i obaveze studenta, prijave na konkurs i upis na studij—koja nisu regulisana ovim pravilima, primjenjivat će se Zakon, Statut i Pravila studiranja za I, II ciklus studija, integrirani, stručni i specijalistički studij na Univerzitetu u Sarajevu.